

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«----» հոկտեմբերի 2014թ.

N-----Ա

ՈՐՈՇՈՒՄ

**ՄՆԱՑԱԿԱՆ ԹԱՐՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ**

Հիմք ընդունելով Հայաստանի Հանրապետության կառավարության 1999 թվականի օգոստոսի 31-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N 551 որոշմամբ հաստատված կարգի 2-րդ կետը՝

Երևան քաղաքի ավագանին որոշում է.

Տալ համաձայնություն բանաստեղծ, արձակագիր, թարգմանիչ Մնացական Թարյանի (Մխիթարյան) հիշատակը հավերժացնող հուշատախտակը Կոմիտասի պողոտա հ.57 հասցեում փակցնելու համար:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱԼՔ - ՀԻՄՆԱՎՈՐՈՒՄ

«ՄՆԱՑԱԿԱՆ ԹԱՐՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Մնացական Վարդանի Թարյանը (Մխիթարյան) ծնվել է **1920** թվականի հունիսի **16**-ին, Վաղարշապատ քաղաքում:

1940 թվականին ավարտել է Շոթա Ռուսթավելու անվան մանկավարժական ուսումնարանը:

1947-1978թթ. Մ. Թարյանը աշխատել է Հայաստանի կույրերի միավորման Երևանի **հ.2** մշակույթի տանը, որպես՝ գեղարվեստական մասի վարիչ:

Մնացական Թարյանը հեղինակ է շուրջ երկու տասնյակ գրքերի, որոնք մնայուն գեղարվեստական արժեքներ են և թարգմանաբար լույս են տեսել տարբեր լեզուներով: Նրա բանաստեղծությունների հիման վրա գրվել են մի շարք երգեր:

Բանաստեղծ, արձակագիր, թարգմանիչ Մնացական Թարյանը գրել է նաև արձակ գործեր, որոնցից հատկանշանական է «Հայրենի տուն», «Բարդին», «Ինչու՞ ուշացավ», «Արևը», «Աշխարհում մի քիչ արև է» պատմվածքները:

Հաշվի առնելով Մնացական Թարյանի գրական մեծ վաստակը, նրա անուրանալի ծառայությունները, հատկապես՝ մանկագրության զարգացման գործում, ինչպես նաև այն, որ **2015** թվականին լրանում է վաստակաշատ բանաստեղծի ծննդյան **95**-ամյակը, Երևան քաղաքի ավագանու քննարկմանն է ներկայացվում «Մնացական Թարյանի հիշատակը հավերժացնող հուշատախտակի տեղադրման մասին» որոշման նախագիծը:

Հայ անվանի բանաստեղծի հիշատակը հավերժացնող հուշատախտակը Երևան քաղաքի Կոմիտասի պողոտայի **հ.57** հասցեում (որտեղ **1960-1999**թթ. ապրել և ստեղծագործել է բանաստեղծը) տեղադրելու վերաբերյալ միջնորդությունը ներկայացրել է Հայաստանի գրողների միությունը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ՄՆԱՑԱԿԱՆ ԹԱՐՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵՈՒՄ ԼՐԱՑՈՒՄՆԵՐ ԵՎ/ ԿԱՍ
ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Մնացական Թարյանի հիշատակը հավերժացնող հուշատախտակի տեղադրման մասին» որոշման նախագծի ընդունման կապակցությամբ Երևանի բյուջեում լրացումներ և/ կամ փոփոխություններ կատարելու անհրաժեշտություն չի առաջանում:

ՏԵՂԵԿԱՆՔ

**«ՄՆԱՑԱԿԱՆ ԹԱՐՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐՈՒՄ ԼՐԱՑՈՒՄՆԵՐ ԵՎ/
ԿԱՍ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Մնացական Թարյանի հիշատակը հավերժացնող հուշատախտակի տեղադրման մասին» որոշման նախագծի ընդունման կապակցությամբ այլ իրավական ակտերում լրացումներ և/ կամ փոփոխություններ կատարելու անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ